



Broj: 14-14-3-3069-7/19  
Zenica: 29.05.2019.godine

Na osnovu člana 70. i člana 64. Zakona o javnim nabavkama («Službeni glasnik BiH», broj: 39/14) i Zapisnika o pregledu i ocjeni ponuda, broj: 14-14-3-3069-6/19 od 28.05.2019.godine, u postupku javne nabavke „Nabavka auto guma, auto kozmetike i akumulatora za vozila“, direktor Službe za zajedničke poslove Zeničko-dobojskog kantona, donosi:

### **ODLUKU** **o izboru najpovoljnijeg ponuđača**

1. Prihvata se preporuka Komisije za javnu nabavku iz Zapisnika broj: 14-14-3-3069-6/19 od 28.05.2019.godine i okvirni sporazum za „Nabavka auto guma, auto kozmetike i akumulatora za vozila“ na period od tri godine, dodjeljuje se ponuđaču: EURO DAM-JAS d.o.o. Lukavac, kao najbolje ocijenjenom ponuđaču, sa cijenom od 75.000,19 KM bez PDV-a.
2. Ponuđač kojem se dodjeljuje okvirni sporazum dužan je dostaviti dokumente iz člana 45. i 46. navedene u tački 3.1 i 3.2. Tenderske dokumentacije, u roku od 5 (pet) dana od prijema Odluke o izboru najpovoljnijeg ponuđača.
3. Nakon pravosnažnosti ove Odluke, izabranom ponuđaču iz tačke 1. ove Odluke dostavit će se prijedlog Okvirnog sporazuma o nabavci.
4. Ova odluka objavit će se na web-stranici <http://www.zdk.ba/> istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama. Ova odluka dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.
5. Za realizaciju ove Odluke zadužuje se Služba za zajedničke poslove.

### **O b r a z l o ž e n j e**

Postupak javne nabavke „Nabavka auto guma, auto kozmetike i akumulatora za vozila“ pokrenut je donošenjem Odluke o pokretanju postupka broj: 14-14-3-3069/19 od 05.03.2019. godine.

Ugovorni organ je donio Rješenje o imenovanju Komisije za provedbu postupka javne nabavke „Nabavka auto guma, auto kozmetike i akumulatora za vozila“ broj: 14-14-3-3069-1/19 od 13.03.2019. godine.

Javna nabavka je provedena putem otvorenog postupka, a procijenjena vrijednost nabavke je 75.000,00 KM bez PDV-a.

Kriterij za dodjelu ugovora je najniža cijena tehnički zadovoljavajuće ponude, sa svim popustima i bez PDV-a.

Dana 12.04.2019. godine tenderska dokumentacija je objavljena na portalu Agencije za javne nabavke istovremeno sa objavom Obavještenja o nabavci, pod brojem: 771-1-1-8-3-10/19.

Do 25.04.2019. godine, sa “Portala javnih nabavki BiH” [www.ejn.gov.ba](http://www.ejn.gov.ba), tendersku dokumentaciju je preuzelo 13 ponuđača, (Izvjestaj o preuzimanju tenderske dokumentacije od strane ponuđača preuzet sa Portala javnih nabavki BiH).



Ponude su blagovremeno dostavili sljedeći ponuđači:

- UNITRADE d.o.o. Ljubuški,
- AUTOELEKTRA d.o.o. Sarajevo,
- EURO DAM-JAS d.o.o. Lukavac i
- UNION-COMERC d.o.o. Zenica.

Komisija za provođenje postupka javne nabavke izvršila je detaljnu analizu ponuda, te utvrdila sljedeće:

- Odbacuje se ponuda AUTOELEKTRA d.o.o. Sarajevo jer ista nije u skladu sa tačkama 4.4. i 5.4. tenderske dokumentacije i ponudeni pneumatici ne zadovoljavaju karakteristike tražene tenderskom dokumentacijom. Tačkom 4.4. tenderske dokumentacije propisano je da su ponuđači dužni dostaviti popunjen Obrazac za cijenu ponude, u skladu sa svim zahtjevima koji su definisani. Ponuđač AUTOELEKTRA d.o.o. Sarajevo nije popunio na propisan način u Obrazcu za cijenu ponude kolonu "Naziv ponudnog artikla/Naziv proizvođača/Zemlja porijekla ponudnog artikla" sa svim stavkama koje su tražene. Tačkom 5.4. propisano je da su ponuđači dužni uz ponudu dostaviti Nacrt okvirnog sporazuma u koji su unijeli podatke iz svoje ponude, te isti potpisati i ovjeriti pečatom, a što ponuđač nije učinio. Dalje, u Obrascu za cijenu ponude – Anex 3 propisano je da svi ponudeni pneumatici moraju zadovoljavati sljedeće karakteristike prema EU standardima (EC) br.1222/2009 od 01.11.2012. godine: Klasa pneumatika za potrošnju goriva minimalno C i Klasa pneumatika za kočiono prijanje na mokroj podlozi minimalno C, a ponudene gume ne ispunjavaju tražene karakteristike.
- Odbacuje se ponuda UNION-COMERC d.o.o. Zenica jer ista nije u skladu sa tačkama 3.3., 4.4. i 5.4. tenderske dokumentacije. Tačkom 3.3. propisano je da su ponuđači dužni dostaviti dokaz o uredno izvršenim ugovorima. Kao dokaz o uredno izvršenim ugovorima podnosi se spisak izvršenih ugovora koji su u vezi sa predmetnom nabavkom, uz potvrdu koju daje druga ugovorna strana, a ponuđač je dostavio samo Potvrde o uredno izvršenim ugovorima bez spiska izvršenih ugovora. Dalje, tačkom 4.4. tenderske dokumentacije propisano je da su ponuđači dužni dostaviti popunjen Obrazac za cijenu ponude, u skladu sa svim zahtjevima koji su definisani. Ponuđač UNION-COMERC d.o.o. Zenica nije popunio na propisan način u Obrazcu za cijenu ponude, kolonu "Naziv ponudnog artikla/Naziv proizvođača/Zemlja porijekla ponudnog artikla" sa svim stavkama koje su tražene.. Tačkom 5.4. propisano je da su ponuđači dužni uz ponudu dostaviti Nacrt okvirnog sporazuma u koji su unijeli podatke iz svoje ponude, te isti potpisati i ovjeriti pečatom, a što ponuđač nije učinio.

Imajući u vidu naprijed navedeno ponude ponuđača: AUTOELEKTRA d.o.o. Sarajevo, i UNION-COMERC d.o.o. Zenica se odbacuju u skladu sa članom 68. stav 4. tačka (i) Zakona o javnim nabavkama, jer iste ne ispunjavaju zahtjeve iz tenderske dokumentacije

Također, Komisija je utvrdila da ponude ponuđača: UNITRADE d.o.o. Ljubuški i EURO DAM-JAS d.o.o. Lukavac po svom obliku, sadržaju i potpunosti, ispunjavaju minimum zahtijevanih kvalifikacionih uslova koji su traženi predmetnom tenderskom dokumentacijom.

Poređenjem ponuda, a primjenom kriterija najniže cijene, Komisija je izvršila rangiranje ponuda, i to:

Naziv i sjedište ponuđača	Ponudena cijena (KM)	Rangiranje ponude
EURO DAM-JAS d.o.o. Lukavac	75.000,19	1
UNITRADE d.o.o. Ljubuški	86.531,21	2



Uzimajući u obzir sve gore navedeno, te da je ponuda ponuđača EURO DAM-JAS d.o.o. Lukavac prvorangirana ponuda, u skladu sa kriterijem najniža cijena tehnički zadovoljavajuće ponude, Komisija je dala preporuku Ugovornom organu da okvirni sporazum za Nabavku auto guma, auto kozmetike i akumulatora za vozila dodijeli ponuđaču EURO DAM-JAS d.o.o. Lukavac, kao najpovoljnijem ponuđaču u postupku javne nabavke.

Kako u postupku ocjene provedenog postupka nabavke nisu utvrđeni razlozi, nepravilnosti ili propusti u radu Komisije, a koji bi eventualno bili osnov za neprihvatanje preporuke Komisije, to je cijeneći sve naprijed navedeno odlučeno kao u dispozitivu ove Odluke.

**Pouka o pravnom lijeku**

Protiv ove Odluke može se izjaviti žalba u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi, putem ovog ugovornog organa, u pisanoj formi na način propisan članom 99. Zakona o javnim nabavkama.

Dostavljeno: 4 x Ponuđači  
 1 x tenderska dokumentacija



DIREKTOR  
mr.sc. Šazim Karalić

100